

**FRAMKVÆMDARTILSKIPUN FRAMKVÆMDASTJÓRNARINNAR
(ESB) 2022/1648****2025/EES/10/28****frá 23. september 2022****um breytingu á tilskipun 2003/91/EB að því er varðar undanþágu fyrir lífrænt
ræktuð yrki grænmetistegunda sem henta til lífrænnar framleiðslu (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun ráðsins 2002/55/EB frá 13. júní 2002 um markaðssetningu grænmetisfræs ⁽¹⁾, einkum a- og b-lið 2. mgr. 7. gr.,

og að teknu tilliti til eftirfarandi:

- 1) Tilskipun framkvæmdastjórnarinnar 2003/91/EB ⁽²⁾ miðar að því að tryggja að yrki grænmetistegunda, sem aðildarríkin bæta við landskrár sínar, samrýmist þeim aðferðarlýsingum sem yrkisskrifstofa Bandalagsins (CPVO) hefur sett. Þessar aðferðarlýsingar miða einkum að því að tryggja fylgni við reglur að því er varðar þá eiginleika sem athugun skal að lágmarki taka til og lágmarksskilyrði vegna athugana á tilteknum yrkjum grænmetistegunda til að staðfesta aðgreinanleika, einsleitni og stöðugleika. Að því er varðar yrki sem falla ekki undir aðferðarlýsingar yrkisskrifstofu Bandalagsins miðar sú tilskipun að því að tryggja að viðmiðunarreglum um prófanir frá Alþjóðasambandinu um vernd nýrra plöntuþyrkja (UPOV) sé fylgt.
- 2) Þörf er á að tryggja að framleiðendur geti notað lífrænt ræktuð yrki sem henta til lífrænnar framleiðslu og sem leiða af lífrænni ræktunarstarfsemi. Sum þeirra uppfylla viðmiðanir um aðgreinanleika, einsleitni og stöðugleika fyrir öll önnur yrki af sömu tegund en önnur yrki sem eru ætluð fyrir lífræna framleiðslu einkennast af mikilli erfðafræðilegri og svipfarslegri fjölbreytni milli einstakra ræktunareininga.
- 3) Staðlarnir fyrir einsleitni sem eru skilgreindir í fyrirliggjandi aðferðarlýsingum fyrir aðgreinanleika, einsleitni og stöðugleika og í viðmiðunarreglum yrkisskrifstofu Bandalagsins og Alþjóðasambandsins um vernd nýrra plöntuþyrkja henta þar af leiðandi ekki fyrir lífrænt ræktuð yrki fyrir lífræna framleiðslu sem einkennast af mikilli erfðafræðilegri og svipfarslegri fjölbreytni.
- 4) Þar af leiðandi er nauðsynlegt að bjóða upp á þann möguleika að víkja frá fyrirliggjandi aðferðarlýsingum fyrir athugun á aðgreinanleika, einsleitni og stöðugleika þannig að þær séu meira aðlagðar að lífrænt ræktuðum yrkjum sem henta til lífrænnar framleiðslu. Þar af leiðandi ætti að vera mögulegt að aðlaga fyrirliggjandi aðferðarlýsingar fyrir yrkisathugun fyrir tiltekin yrki til að mæta þörfum lífræns landbúnaðar. Því er viðeigandi að víkja frá tilteknum ákvæðum í 1. gr. tilskipunar 2003/91/EB.
- 5) Aðildarríki ættu að gefa framkvæmdastjórninni og öðrum aðildarríkjum skýrslu eigi síðar en 31. desember ár hvert, til og með 31. desember 2030, um fjölda umsókna og niðurstöður úr athugunum á aðgreinanleika, einsleitni og stöðugleika til að tryggja reglulega endurskoðun á þessum kröfum og meta enn frekar þörfina á að breyta þeim eða fjarlægja eða að beita þeim einnig um aðrar tegundir.
- 6) Því ætti að breyta tilskipun 2003/91/EB til samræmis við það.
- 7) Lögbær yfirvöld og viðkomandi rekstraraðilar í starfsgreininni ættu að hafa nægan tíma til að undirbúa sig með fullnægjandi hætti áður en landsákvæði sem lögleiða þessa tilskipun taka gildi.
- 8) Ráðstafanirnar, sem kveðið er á um í þessari tilskipun, eru í samræmi við álit fastanefndarinnar um plöntur, dýr, matvæli og föður.

(*) Þessi ESB-gerð birtist í Stjtið. ESB L 248, 26.9.2022, bls. 52. Hennar var getið í ákvörðun sameiginlegu EES-nefndarinnar nr. 261/2024 frá 6. desember 2024 um breytingu á I. viðauka (Heilbrigði dýra og plantna) við EES-samninginn (bíður birtingar).

⁽¹⁾ Stjtið. EB L 193, 20.7.2002, bls. 33.

⁽²⁾ Tilskipun framkvæmdastjórnarinnar 2003/91/EB frá 6. október 2003 um framkvæmdarráðstafanir með tilliti til 7. gr. tilskipunar ráðsins 2002/55/EB að því er varðar þá eiginleika sem athugun skal að lágmarki taka til og lágmarksskilyrði vegna athugana á tilteknum yrkjum grænmetistegunda (Stjtið. ESB L 254, 8.10.2003, bls. 11).

SAMÞYKKT TILSKIPUN ÞESSA:

1. gr.

Breytingar á tilskipun 2003/91/EB

Tilskipun 2003/91/EB er breytt sem hér segir:

1) Í stað 2. mgr. 1. gr. kemur eftirfarandi:

„2. Að því er varðar aðgreinanleika, einsleitni og stöðugleika:

- a) skulu tegundirnar, sem eru tilgreindar í I. viðauka, uppfylla skilyrðin sem stjórn skrifstofu fyrir plöntuyrki í Bandalaginu (CPVO) mælir fyrir um í „Bókun um prófanir á aðgreinanleika, einsleitni og stöðugleika“ og tilgreindar eru í þeim viðauka,
- b) skulu tegundirnar, sem eru tilgreindar í II. viðauka, fullnægja viðmiðunarreglunum sem Alþjóðasambandið um vernd nýrra plöntuyrkja samdi um aðgreinanleika, einsleitni og stöðugleika og tilgreindar eru í þeim viðauka.

Þrátt fyrir fyrstu undirgrein, að því er varðar einsleitni, mega lífrænt ræktuð yrki sem henta til lífrænnar framleiðslu, sem tilheyra tegundum sem eru tilgreindar í A-hluta III. viðauka, þess í stað uppfylla skilyrðin sem eru tilgreind í B-hluta þess viðauka.

Aðildarríki skulu gefa framkvæmdastjórninni og öðrum aðildarríkjum skýrslu eigi síðar en 31. desember ár hvert, til og með 31. desember 2030, um fjölda umsókna um skráningu yrkja og niðurstöður úr athugunum á aðgreinanleika, einsleitni og stöðugleika að því er varðar þessi lífrænt ræktuðu yrki“.

2) Textanum í viðaukanum við þessa tilskipun er bætt við sem III. viðauka.

2. gr.

Lögleiðing

1. Aðildarríkin skulu samþykkja og birta nauðsynleg lög og stjórnarsýslufyrirmæli til að fara að tilskipun þessari eigi síðar en 30. júní 2023. Þau skulu þegar í stað senda framkvæmdastjórninni texta þessara ákvæða.

Þau skulu beita þessum ákvæðum frá og með 1. júlí 2023.

Þegar aðildarríkin samþykkja þessi ákvæði skal vera í þeim tilvísun í þessa tilskipun eða þeim fylgja slík tilvísun þegar þau eru birt opinberlega. Aðildarríkin skulu setja nánari reglur um slíka tilvísun.

2. Aðildarríkin skulu senda framkvæmdastjórninni helstu ákvæði úr landslögum sem þau samþykkja um málefni sem tilskipun þessi nær til.

3. gr.

Gildistaka

Tilskipun þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

4. gr.

Viðtakendur

Tilskipun þessari er beint til aðildarríkjanna.

Gjört í Brussel 23. september 2022.

Fyrir hönd framkvæmdastjórnarinnar,

Stella KYRIAKIDES

framkvæmdastjóri.

VIDAUKI

„III. VIDAUKI

A-HLUTI

Skrá yfir tegundir sem um getur í annarri undirgrein 2. mgr. 1. gr.

Gulrætur

Hnúðkál

B-HLUTI

Sértæk ákvæði að því er varðar prófanir á aðgreinanleika, einsleitni og stöðugleika fyrir lífrænt ræktað yrki grænmetistegunda sem henta til lífrænnar framleiðslu**1. Almenn regla**

Eftirfarandi gildir um lífrænt ræktað yrki grænmetistegunda sem henta til lífrænnar framleiðslu

- 1.1. Að því er varðar aðgreinanleika og stöðugleika skulu allir eiginleikar í aðferðarlýsingum og viðmiðunarreglum sem um getur í I. og II. viðauka athugaðir og þeim lýst.
- 1.2. Að því er varðar einsleitni skulu allir eiginleikar í aðferðarlýsingum og viðmiðunarreglum sem um getur í I. og II. viðauka athugaðir og þeim lýst og eftirfarandi skal gilda um eiginleikana sem eru tilgreindir í 2. lið:
 - a) þessa eiginleika má meta á vægari hátt,
 - b) ef kveðið er á um undanþágu frá viðkomandi tæknilegri aðferðarlýsingu fyrir þessa eiginleika í 2. lið skal einsleitni yrkisins vera svipuð og einsleitni sambærilegra yrkja sem eru almennt þekkt í Sambandinu.

2. Undanþága frá tæknilegum aðferðarlýsingum**2.1. Gulrætur**

Að því er varðar yrki sem tilheyra tegundinni gulrætur (*Daucus carota* L.) mega eftirfarandi eiginleikar sem varða aðgreinanleika, einsleitni og stöðugleika í aðferðarlýsingum yrkisskrifstofu Bandalagsins CPVO-TP/049/3 fyrir yrki sem er prófað víkja frá eftirfarandi kröfum um aðgreinanleika, einsleitni og stöðugleika að því er varðar einsleitni:

- | | | |
|-------------|---|---|
| CPVO nr. 4 | – | Laufblað: skipting |
| CPVO nr. 5 | – | Laufblað: styrkur græns litar |
| CPVO nr. 19 | – | Rót: þvermál kjarna miðað við heildarþvermál |
| CPVO nr. 20 | – | Rót: litur kjarna |
| CPVO nr. 21 | – | Að undanskildum yrkjum með hvítan kjarna; Rót: styrkur litar kjarnans |
| CPVO nr. 28 | – | Rót: tímapunktur fyrir lit á oddi |
| CPVO nr. 29 | – | Planta: hæð fyrsta sveips við blómgun |

2.2. Hnúðkál

Að því er varðar yrki sem tilheyra tegundinni hnúðkál (*Brassica oleracea* L.) mega eftirfarandi eiginleikar sem varða aðgreinanleika, einsleitni og stöðugleika í aðferðarlýsingum yrkisskrifstofu Bandalagsins CPVO-TP/065/1 endursk. fyrir yrki sem er prófað víkja frá eftirfarandi kröfum um aðgreinanleika, einsleitni og stöðugleika að því er varðar einsleitni í viðkomandi tæknilegum aðferðarlýsingum yrkisskrifstofu Bandalagsins:

- | | | |
|------------|---|---|
| CPVO nr. 2 | – | Ungplanta: styrkur græns litar kímblaða |
| CPVO nr. 6 | – | Blaðstilkur: staða |
| CPVO nr. 8 | – | Blaðka: lengd |
| CPVO nr. 9 | – | Blaðka: breidd |

- CPVO nr. 10 – Blaðka: lögun topps
 - CPVO nr. 11 – Blaðka: skipting að miðstreng (á neðri hluta laufblaðs)
 - CPVO nr. 12 – Blaðka: fjöldi skerðinga í blaðrönd (á efri hluta laufblaðs)
 - CPVO nr. 13 – Blaðka: dýpt skerðingar í blaðrönd (á efri hluta laufblaðs)
 - CPVO nr. 14 – Blaðka: lögun í þversniði
 - CPVO nr. 19 – Hnúðkál: fjöldi innri laufblaða.“
-